

Mr. Đemaludin **MUTAPČIĆ**  
**notar**  
notarmutapcic@bih.net.ba

**Prilog**  
Primljen 22.3.2020.

## **NOVI ZAKONSKI IMPERATIVNI PROPISI KOJIMA SE SNIŽAVA VISINA STOPE ZAKONSKE ZATEZNE KAMATE I PROPISUJE DA IZNOS OBRAČUNATE ZATEZNE KAMATE NE MOŽE BITI VEĆI OD GLAVNOG DUGA**

U obligacionom pravu je zakon jedan od izvora nastanka obligacije (pored ugovora, prouzrokovanja štete, stjecanja bez osnova, posloводства bez naloga i jednostrane izjave volje). Obligacija je cjelina dužničko-povjerilačkog odnosa. Učesnici obligacionog odnosa su povjerilac i dužnik. Ko daje robe i usluge potražuje, a ko ih prima duguje.

U vezi s tim, zaslužuje pažnju pravničke, ekonomske i šire stručne javnosti, a posebno privrednih subjekata i njihove likvidnosti prilikom plaćanja dospjelih obaveza, novi entitetski Zakon o visini stope zatezne kamate, koji su, nakon Predstavničkog doma Parlamenta Federacije Bosne i Hercegovine na sjednici od 29.01.2020. godine, usvojili i delegati Doma naroda na svom zasjedanju od 13.02.2020. godine.

Zakon o visini stope zatezne kamate (u daljem tekstu: Zakon) objavljen je u “Službenim novinama Federacije BiH” broj 18/20 od 06.03.2020. godine, a stupa na snagu osmog dana od dana objavljivanja.

Među najvažnijim novinama Zakona, mogu se izdvojiti:

- snižena je visina stope zakonske zatezne kamate sa 12% na 10% godišnje i
- propisano je da iznos obračunate zatezne kamate ne može biti veći od glavnog duga.

Na ovaj način prestaju važiti dosadašnje zakonske odredbe o visini stope zatezne kamate na neizmirena dugovanja.

Cilj usvajanja novog Zakona je usklađivanje sa presudom Ustavnog suda Federacije Bosne i Hercegovine broj U-30/17 (“Službene novine Federacije BiH” broj 89/18) i jačanje likvidnosti privrednih subjekata, kojima je Zakonom omogućeno lakše izmirivanje glavnog duga i plaćanje dospjelih obaveza, kao i poboljšanje

likvidnosti ekonomskog sistema, transparentnost u poslovanju, uz eliminiranje mogućih izazova prilikom naplate potraživanja.

Odredbe Zakona, čija primjena počinje 14.03.2020. godine, primjenjuju se u svim slučajevima u kojima zatezna kamata nije propisana posebnim zakonom.

Zakon je posebno važan za primjenjivače prava, kao što su sudovi u parničnom i izvršnom postupku, pravobranioci, notari, advokati, medijatori, banke, osiguravajuća društva, mikrokreditne organizacije.

Sarajevo, 10.03.2020. godine